

मार्निंग डोगरी न्यूज़ बुलेटिन, सभें. **09-20** Hrs

<><><><><><>

Headlines

- केन्द्रीय राई-बाई मंत्री शिवराज सिंह चौहान ते मुखमन्त्री उमर अब्दुल्ला होरें जम्मू कश्मीर च राई-बाई ते ग्रामीण विकास सरबन्धी कम्में दा जायजा लैता।
- मुखमन्त्री होरें रेलवे मंत्री होरें गी चिट्ठी लिखियै वंदे भारत रेल दी आओजाई गी बधाने दा आग्रह कीता।
- मंत्री सतीश शर्मा होरें नोजवानें गी सशक्त बनाने ते जम्मू कश्मीर च समावेशी आर्थिक विकास गी बढ़ावा देने च सिद्धी बिक्री दी परिवर्तनकारी क्षमता पर जोर पाया।
- मुख सचिव अटल डुल्लू होरें सिद्धे लाह मुंतकिल करने आली योजनाएं दे लाभार्थिं दे बेंक खाते गी आधार राएं जोड़ने दा कम्म सभें सिर पूरा करने दे निर्देश दित्ते।
- श्री अमरनाथ यात्रा गी दिक्खदे होई जम्मू दे भगवती नगर आधार शिविर थमां 6 ज्हार 411 श्रद्धालुएं दा त्रीआ जत्था घाटी लेई रवाना।

<><><><><><>

CM-Shivraj

राई-बाई ते करसान कल्याण दे केन्द्री मंत्री शिवराज सिंह चौहान ते मुखमन्त्री उमर अब्दुल्ला होरें श्रीनगर आले सिविल सचिवालय च इक उच्ची सतह दी बैठक दी अध्यक्षता कीती ते प्रदेश च राई-बाई ते ग्रामीण विकास सरबन्धी पैहलकदमिं दी प्रगति दा जायजा लैता। बैठक दरान कुदुम्भश्री ते जम्मू कश्मीर ग्रामीण आजीविका मिशन मझाटै इक समझौता ज्ञापन पर दस्तखत होए जेहदे तैहत जम्मू कश्मीर दी सब्बै 20एं जिलें च 20 खाद्य सेवा उद्योग स्थापत कीते जांगन। इस पैहलकदमी दा मकसद उद्यमिता राएं महिलाएं दी अगुवाई आले आप सहायता समूह गी सशक्त बनाना ऐ। इस दरान “हर दीदी एक कहानी” संग्रह दा बी विमोचन कीता गेआ जेहदे च आप सहायता समूह दे सदस्यें दी कहानियां शामिल न जेहड़ी “लखपति दीदी” बनी गेइयां न।

<><><><><><>

CM Vande

मुख्यमंत्री उमर अब्दुल्ला होरें रेलवे मंत्री अश्विनी वैष्णव होरें गी आखेआ ऐ जे ओह वंदे भारत रेल गड्डी दी आओजाई गी घाटी लेई बधान। वैष्णव होरें गी लिखी दी चिट्ठी च अब्दुल्ला होरें आखेआ जे हाल च कटरा ते श्रीनगर बश्कार शुरू कीती गेदी वंदे भारत एक्सप्रेस रेल गड्डी दा बड्डे पैमाने पर सुआगत होआ ऐ ते एह्दे प्रति जम्मू कश्मीर दे लोकें च बी बड़ा मता उत्साह ऐ। अब्दुल्ला होरें आग्रह कीता ऐ जे इस रेल दे डिब्बे च बाद्धा कीता जा। उनें आखेआ जे कटरा श्रीनगर वंदे भारत एक्सप्रेस दे डिब्बे यात्रुएं दी मंग अग्नै खास करी हफ्ते दे खीरले दिन छुट्टियां ते चला'रदी यात्रा ते सैलसफा आली रूतै दरान ना काफी साबत होआ'रदे न।

<><><><><><>

CM-Mehbooba's Mother

मुख्यमंत्री उमर अब्दुल्ला होरें पीडीपी अध्यक्ष ते साबका मुख्यमंत्री महबूबा मुफ्ती हुंदी मां दी सेहत कसरी होने दी जानकारी थोने पर उंदी डौल पुच्छने लेई SKIMS अस्पताल सौरा गे। मुख्यमंत्री होरें उंदे तौले नरोए होने दी कामना कीती ते अस्पताल च उंदे परोआर आलें कन्नै बी मलाटी कीती। मुख्यमंत्री हुंदे कन्नै सलाहकार नासिर असलम वानी बी उत्थें मजूद हे। अस्पताल दे डरैक्टर ते मैडिकल सुप्रीटेंडेंट होरें मुख्यमंत्री होरें गी महबूबा मुफ्ती हुंदी मां दी सेहत बारे जानकारी दित्ती ते उनेंगी भरोसा दोआया जे उंदे इलाज च कोई कमी नेई रक्खी जा'रदी ऐ।

<><><><><><>

Satish Direct Selling

खाद्य नागरिक आपूर्ति ते उपभोक्ता मामले दे मंत्री समीश शर्मा होरें नोजवानें गी सशक्त बनाने, नैतिक उद्यमिता गी बढ़ावा देने ते जम्मू कश्मीर च समावेशी विकास गी बधाने च सिद्धी बिक्री उद्योग दी परिवर्तन कारी क्षमता पर जोर पाया। मंत्री होरें फैंडरेशन ऑफ इंडियन डायरेक्ट सैलिंग आस्सेआ आयोजित इक सम्मेलन च बोला करदे हे। इस मौके पर बोलदे होई उनें तफसीली नियम कनून आले ढांचे दी जरूरत पर जोर दित्ता। उनें आखेआ जे एह छड़ा फायदेमंद गै नेई सगुआं बड़ा मता जरूरी ऐ। जम्मू कश्मीर सरकार दी वचनबद्धता गी इक बारी फही पक्का करदे होई मंत्री होरें भरोसा दोआया जे सरकार नैतिक प्रथा, उपभोक्ता दे हितें दी राक्खी ते जिम्मेदाराना तरीके कन्नै कारोबार करने च पूरा पूरा समर्थन देग।

<><><><><><>

SDM Paddar(Dispatch)

पाङ्डर दे सब—डिवीजनल मैजिस्ट्रेट डॉ. अमित कुमार होरें मचेल दा व्यापक दौरा लाया ते इलाके च चला'रदे विकास कम्में दा जायजा लैता। इस दरान उनें हैलीपैड थमां भवन तगर टाइल लाने आले कम्में पर खासा ध्यान देने लेई आखेआ। उनें परिसर भवन निर्माण कम्में दा बी जायजा लैता। निर्माण कम्में पर लग्गे दे लोकें गी हिदायत कीती गेई जे ओह 20 जुलाई थमां पैहले पैहले जारी कम्में गी मुकम्मल करन तां जे सलाना श्री मचेल माता यात्रा सुचारू ढंगे सिर सम्पन्न होइ सकै।

<><><><><><>

CS-Aadhar Seeding

लोक सेवाएं दी उपलब्धता च पारदर्शिता ते जवाबदेही पर जोर पांदे होइ मुख्य सचिव अटल डुल्लू होरें सब्बने सरबंधते मैहकमें गी निर्देश दित्ते जे अगले दऊं म्हीने दे अंदर अंदर सिद्धे लाह मुंतकिल करने आली योजनाएं दे बकाया रेहदे लाभार्थिएं दे बैंक खाते गी आधार राएं जोड़ने दा कम्म सबूरा करी लैन। इस पैहलकदमी दा मकसद ऐ जे लाभार्थिएं तगर सिद्धे तौरा पर लाह पुज्जी सकै ते बिचौलियै दी भूमका गी पूरी चाल्ली खत्म कीता जाई सकै। मुख्य सचिव होरें आधार राएं जोड़ने दे दोहरे फायदे बारे जानकारी दित्ती ते आखेआ जे एह छड़ा पारदर्शिता जकीनी बनाने लेई गै नेई ऐ सगुआं एहदा मकसद ऐ नागरिकें गी सशक्त बनाना तां जे हर इक रपे दी मदाद उनें लोकें तगर पुज्जी सकै जेहड़े एहदे हक्कदार न।

<><><><><><>

SANJY 3rd Batch

जम्मू दे भगवती नगर आले आधार शिविर थमां 6 जहार 411 श्रद्धालुएं दा त्रीआ जत्था अज्ज बडलै घाटी लेई रवाना होआ। एह काफिला 291 गड्डिडएं च सुआर होई आधार शिविर थमां अगड़र यात्रा लेई रवाना होआ। इस जत्थे च 4 जहार 723 मर्द, इक जहार 71 महिला, 37 बच्चे, 487 साधु ते 93 साध्वियां शामिल हियां। कुल 6 जहार 411 श्रद्धालुएं चा 2 जहार 789 श्रद्धालु बालटाल लेई ते 3 जहार 622 श्रद्धालु पहलगाम आधार शिविर लेई रवाना होए। जित्थुआं ओह अपनी अगली यात्रा शुरू करगन। कल संजा 7 बजे तगर 12 जहार 348 श्रद्धालुएं बाबा बर्फानी दे दर्शन कीते ते पवित्र गुफा च मत्था टेकेआ। इनें श्रद्धालुएं च 9 जहार 181 मर्द, 2 जहार 223 महिला, 99 बच्चे, 122 साधु ते 7 साध्वियां, 8 ट्रांसजंडर ते 708 सुरक्षा कमी शामिल न। श्रम ते रोजगार राज्य मंत्री शोभा करंदलाजे होरें बी भगवान शिवें दे दर्शन कीते।

<><><><><><>

Devotional Evening

श्री अमरनाथ जी की पवित्र यात्रा कल शुरू होने के संबन्ध में सांबा जिला प्रशासन आसेआ चीची माता मंदिर के एक धार्मिक के सांस्कृतिक कार्यक्रम के आयोजन कीता गेआ। डिप्टी कमिशनर सांबा राजेश शर्मा हों मंदिर के मत्था टेकेआ के यात्रा के बवस्थित के सुरक्षित संचालन की कामना कीती। इस मौके पर लोकें भजन—कीर्तन कीता के श्रद्धालुएं गी अमरनाथ यात्रा लेई शुभकामनां बी दित्तियां।

<><><><><><>

Environment Committee

जम्मू कश्मीर विधानसभा की पर्यावरण संबंधी हाउस कमेटी के चेयरमैन मोहम्मद यूसुफ तारीगामी हों आखेआ के पर्यावरण की नुकसान पजाइयै गै विकास नेई होना लोड़चदा। उनें आखेआ के विकास बी जरूरी ऐ पर पर्यावरण बी महत्वपूर्ण ऐ। एह गल्ल उनें श्रीनगर के विधानसभा परिसर के लग्गी की बैठक के आक्खी। बैठक दरान खाने संबंधी कन्नै जुड़े के मामलें पर खास तौर पर तवज्जो दित्ती गेई। अध्यक्ष हों गैर कनूनी तौर पर खनन संबंधी गतिविधिएं पर सख्त निगरानी रखने लेई आखेआ। बैठक के पर्यावरण के चुनौतिएं संबंधी मामले पर चर्चा होई।

<><><><><><>

Coop-Ramban

रामबन के जिला सहकारी मैहकमे आसेआ हाल के बटोत के समुदायिक सेहत केन्द्र के प्रधानमंत्री जन औषधी केन्द्र की शुरूआत कीती गेई। एहदा मकसद म्यारी के गुणवत्ता आलियां दोआइयां किफायती भाएं पर मकामी लोकें की उपलब्ध करोआना ऐ। इस बारे लोकें की जागरूक बी कीता जा'रदा ऐ। एहदा मकसद सब्बने लेई जरूरी सेहत दिक्खभाल जकीनी बनाना ऐ। प्रधानमंत्री भारतीय जन औषधी परियोजना इस की जकीनी बनांदी ऐ। रामबन के कोपरेटिव सोसायटी की डिप्टी रजिस्ट्रार प्रियंका शर्मा हों आखेआ.....

<><><><><><>

Chess

शतरंज च विश्व चैंपियन डी. गुकेश नै क्रोएशिया च ग्रैंड चैस टूस प्रतियोगिता दे रैपिड सैक्शन दे 6में राउंड च दुनिया दे नम्बर इक्क खड्गदारी मैगनस कार्लसन गी हराई दित्ता ऐ। गुकेश नै एह्दे शा पैह्ले नार्वे शतरंज 2025 प्रतियोगिता च कार्सल गी हराया हा। लगातार 5मीं जित्त कन्नै ग्रैंड मोस्टर गुकेश प्रतियोगिता च 10 अंक हासल करियै बढ़त बनाई लैती ऐ।

